



Fakultet za ekonomiju i menadžment
Fakultet za informacione tehnologije
Pravni fakultet
Filološki fakultet
Poreska akademija
Akademija umjetnosti

UPIS 2014

zamisli*
da školarinu
otplaćuješ odgođeno

NAJNOVIJE Hrana mršavih ljudi

Vijesti Sport Magazin Info Kolumne Priče Saopštenja Zabava Preporučujem

Početna Banja Luka Bihać Bijeljina Brčko Doboj Livno Mostar Sarajevo Tuzla Zenica



Objavljeno: 26.06.2014 15:22

Brčko

Rukovodstvo Skupštine SDA Brčko distrikta BiH odlučilo isključiti Eseda Kadrića iz SDA



Rukovodstvo Skupštine SDA Brčko distrikta BiH organizovalo je danas konferenciju za novinare na kojoj su saopštili svoju odluku o isključenju Eseda Kadrića iz Stranke demokratske akcije.

“Pojedinci, uzimajući sebi za pravo, proizvoljnostima, i tumačeći zaključke SDA BiH kako njima odgovara, na Vandrednoj sjednici Vlade Brčko distrikta BiH 24. juna, jednoglasno su podržali zaključke i odluke gradonačelnika Ante Domića, i pored jasnog zaključka Predsjedništva SDA BiH o uskraćivanju podrške istom”, kazala je Ismeta Mulahalilović- Lubovac. Ona dodaje da su odlučili isključiti Eseda Kadrića iz stranke, brisanjem iz evidencije, te pozvati Damira Bulčevića na poštivanje odluka Predsjedništva SDA BiH.

Istaknuto je i da je formirana Skupštinska komisija, na čelu sa Hajrulahom Mujkićem, čiji je cilj da ispita ulogu poslanika SDA Seada Softića i bivšeg sekretara SDA Nedžiba Omazića, kao i pojedinih članova smjenjenih IO SDA Brčko distrikta BiH.

Nakon što su održali sastanke sa više od 15 mjesnih odbora SDA Brčko, te formirali novih pet, rukovodstvo Skupštine SDA Brčko distrikta pozivaju i ostala dva poslanika u brčanskoj Skupštini Admira Mujkanovića i Seada Softića da postupe u skladu sa odlukom Predsjedništva SDA BiH i uskrate podršku u daljem radu gradonačelnika Ante Domića.

“Time bi perfidna igra oko tzv. izglasavanja nepovjerenja a ostanka u vlasti od strane Eseda Kadrića, bivšeg Predsjednika SDA Brčko distrikta, bila spriječena”, rekla je Mulahalilović- Lubovac.

“I pozivamo sve bošnjačke-probosanske stranke brčanske orijentacije, koje cijene i poštuju Brčko distrikt BiH, koje ga žele graditi i razvijati, na usaglašavanje i stvaranje probosanskog bloka, koji će biti otvoren za sve, koji žele graditi prosperitetno Brčko, zasnovano na jednakosti, oslobođeno od korupcije i kriminala, te loše i neefikasne vlasti, spremne da veliča ratne zločince radi sopstvenog interesa”, poručeno je danas iz rukovodstva Skupštine SDA Brčko distrikta BiH.

[/Portal24h.ba/](http://Portal24h.ba/)